



Junior Achievement Georgia

საგადასახადო პრაქტიკული გზამკვლევი

დამატებული ღირებულების გადასახადი (დღგ)

ქეისის ავტორები: ეკა გეგეშიძე და გიორგი ჭილაძე

პროექტი: აღმშენებლობა სოციალური მეწარმეობით

აქსელერატორ_X | სოციალური მეწარმეობის პროგრამა

აქსელერაციის პროგრამის, ეს სასწავლო მასალა, მომზადდა ევროკავშირის ფინანსური დახმარებით. ამ დოკუმენტის შინაარსი მთლიანად „Junior Achievement Georgia“-ს პასუხისმგებლობაა და არავითარ შემთხვევაში არ შეიძლება ჩაითვალოს ევროკავშირის პოზიციის ამსახველად.

2025



მოკლე პასუხები - რა უნდა გახსოვდეთ

საკითხი	მოქმედი წესი
დღგ-ის ძირითადი განაკვეთი	18%
სავალდებულო რეგისტრაციის ზღვარი	100 000 ლარზე მეტი - ნებისმიერი უწყვეტი 12 კალენდარული თვის განმავლობაში
რეგისტრაციისთვის მიმართვის ვადა	ზღვრის გადაჭარბებიდან არაუგვიანეს 2 სამუშაო დღისა
ვალდებულების დაწყება	იმ ოპერაციიდანვე, რომელმაც ზღვარი გადააჭარბა
საანგარიშო პერიოდი	კალენდარული თვე
დეკლარაცია და გადახდა	საანგარიშო თვის მომდევნო თვის 15 რიცხვამდე
ფასში შემავალი დღგ	ფასი $\times$ 18/118

მთავარი გაფრთხილება: 100 000-ლარიანი ზღვარი კალენდარულ წელს არ უკავშირდება. ის მოძრავი, უწყვეტი 12-თვიანი პერიოდია და რეგულარულად უნდა გააკონტროლოთ.

რას ისწავლით ამ გზამკვლევით

- ✓ რა არის დღგ და რატომ ითვლება არაპირდაპირ გადასახადად;
- ✓ როდის არის სტარტაპი დღგ-ით დასაბეგრი პირი და როდის ჩნდება რეგისტრაციის ვალდებულება;
- ✓ როგორ განვსაზღვროთ დღგ-ის გარეშე ფასი და დღგ-ის ჩათვლით ფასი;
- ✓ როდის შეიძლება შესყიდვაზე გადახდილი დღგ-ის ჩათვლა ან დაბრუნება;
- ✓ როგორ მოქმედებს დღგ ავანსებზე, იმპორტსა და უცხოურ ონლაინსერვისებზე;
- ✓ როგორ გამოიწერება და კორექტირდება საგადასახადო ანგარიშ-ფაქტურა;
- ✓ როგორ ნაწილდება ჩასათვლელი დღგ შერეული საქმიანობის დროს;
- ✓ რა ვადებია დეკლარირებისა და გადახდისთვის და რა სანქციები მოქმედებს დარღვევისას.

სწრაფი გადაწყვეტილების სქემა - მჭირდება თუ არა დღგ-ის დარიცხვა?

ნაბიჯი	საკონტროლო კითხვა	რას ვაკეთებ
1	ოპერაციას ახორციელებს დღგ-ით დასაბეგრი პირი ეკონომიკური საქმიანობის ფარგლებში?	თუ არა - ჩვეულებრივ, დღგ-ის ობიექტი არ არის; თუ კი - გადადით შემდეგ კითხვაზე.
2	საქონლის მიწოდების ან მომსახურების გაწევის ადგილი საქართველოა?	გამოიყენეთ ადგილის განსაზღვრის წესები. უცხოელი კლიენტი ავტომატურად არ ნიშნავს დღგ-ისგან გათავისუფლებას.
3	ოპერაცია დასაბეგრია თუ დღგ-ისგან გათავისუფლებული?	გათავისუფლებისას დაადგინეთ, არსებობს თუ არა ჩათვლის უფლება.



ნაბიჯი	საკონტროლო კითხვა	რას ვაკეთებ
4	ხართ რეგისტრირებული ან წარმოიშვა რეგისტრაციის ვალდებულება?	გადაამოწმეთ მოძრავი 12-თვიანი 100 000-ლარიანი ზღვარი და სპეციალური რეგისტრაციის შემთხვევები.
5	როდის დგება დაბეგვრის დრო და რა არის დასაბეგრი თანხა?	შეამოწმეთ მიწოდების/ავანსის პერიოდი, ფასში შემავალი დღგ და თანმდევი ხარჯები.
6	არსებობს ჩასათვლელი დღგ და სათანადო დოკუმენტი?	შეაჯერეთ დარიცხული და ჩასათვლელი დღგ; საჭიროებისას გამოიყენეთ პროპორციული ჩათვლა.
7	რა დოკუმენტი და დეკლარაციაა საჭირო?	გამოწერეთ ანგარიშ-ფაქტურა შესაბამის შემთხვევაში და ოპერაცია ასახეთ სწორი თვის დეკლარაციაში.

სქემის გამოყენების წესი: თუ რომელიმე ეტაპზე პასუხი გაურკვეველია - განსაკუთრებით მომსახურების ადგილის, გათავისუფლების ან შერეული საქმიანობის დროს - ოპერაცია გატარებამდე გადაამოწმეთ ბუღალტერთან ან საგადასახადო სპეციალისტთან.



1. რა არის დამატებული ღირებულების გადასახადი

დამატებული ღირებულების გადასახადი (დღგ) არის საერთო-სახელმწიფოებრივი არაპირდაპირი გადასახადი. ჩვეულებრივ, ის საქონლის ან მომსახურების ფასში შედის: მომხმარებელი იხდის დღგ-ის ჩათვლით ფასს, ხოლო დღგ-ის გადამხდელად რეგისტრირებული ბიზნესი გადასახადს ანგარიშობს, დეკლარირებს და ბიუჯეტში იხდის.

„არაპირდაპირი“ ნიშნავს, რომ ეკონომიკური ტვირთი, როგორც წესი, საბოლოო მომხმარებელზე გადადის, თუმცა სამართლებრივი ვალდებულება - დღგ-ის სწორად დარიცხვა, დეკლარირება და გადახდა - ბიზნესს ეკისრება.

დღგ ეტაპობრივად მოქმედებს წარმოებისა და განაწილების ჯაჭვში. რეგისტრირებული ბიზნესი გაყიდვაზე დარიცხულ დღგ-ს ამცირებს დასაშვები შესყიდვების დღგ-ით. შედეგად, ბიუჯეტში, როგორც წესი, ირიცხება სხვაობა გაყიდვებზე დარიცხულ და შესყიდვებზე ჩასათვლელ დღგ-ს შორის.

ბიუჯეტში გადასახდელი დღგ = გაყიდვებზე დარიცხული დღგ – ჩასათვლელი დღგ

თუ ჩასათვლელი დღგ მეტია, წარმოიშობა დღგ-ის ნამეტი.

არ აურიოთ: დღგ და მოგების გადასახადი სხვადასხვა გადასახადია. დღგ გაყიდვის/მიწოდების ოპერაციას უკავშირდება; საწარმოს მოგების გადასახადი კი მოქმედი მოდელით მხოლოდ წლიური საბუღალტრო მოგების 15%-ით მარტივად არ გამოითვლება.

2. ვის ეხება დღგ

დღგ-ით დასაბეგრი პირია ნებისმიერი პირი, რომელიც დამოუკიდებლად ახორციელებს ეკონომიკურ საქმიანობას - საქმიანობის მიზნისა და ფინანსური შედეგის მიუხედავად. ეს შეიძლება იყოს შპს, ინდივიდუალური მეწარმე, სხვა ფიზიკური პირი, ორგანიზაცია ან არარეზიდენტი, თუ შესაბამისი დღგ-ის წესები მასზე ვრცელდება.

ეკონომიკურ საქმიანობაში, მათ შორის, შედის საქონლის სისტემატური მიწოდება, მომსახურების გაწევა და ქონების გამოყენება რეგულარული შემოსავლის მისაღებად. არასაცხოვრებელი დანიშნულების შენობის/ნაგებობის მიწოდება ეკონომიკურ საქმიანობად განიხილება ერთჯერადი ან არარეგულარული ხასიათის შემთხვევაშიც.

სტარტაპისთვის მნიშვნელოვანი: საჯარო რეესტრში კომპანიის ან ინდივიდუალური მეწარმის რეგისტრაცია ავტომატურად არ ნიშნავს დღგ-ის გადამხდელად რეგისტრაციას. ასევე, მცირე ბიზნესის 1%-იანი რეჟიმი არ აუქმებს დღგ-ის რეგისტრაციის ვალდებულებას - ეს ორი დამოუკიდებელი საგადასახადო რეჟიმია.

3. როდის არის დღგ-ის რეგისტრაცია სავალდებულო

თუ ნებისმიერი უწყვეტი 12 კალენდარული თვის განმავლობაში განხორციელებული დღგ-ით დასაბეგრი საქონლის მიწოდებისა და მომსახურების გაწევის ოპერაციების ჯამური თანხა 100 000 ლარს გადააჭარბებს, დასაბეგრმა პირმა დღგ-ის გადამხდელად რეგისტრაციისთვის საგადასახადო ორგანოს არაუგვიანეს 2 სამუშაო დღეში უნდა მიმართოს.

1. ზღვარი უნდა გადააჭარბოს 100 000 ლარს; ზუსტად 100 000 ლარი, საერთო წესით, ჯერ არ წარმოშობს სავალდებულო რეგისტრაციას.
2. დათვლა მოძრავია: ყოველ ახალ ოპერაციაზე მოწმდება უკანასკნელი უწყვეტი 12 კალენდარული თვე და არა მხოლოდ 1 იანვრიდან 31 დეკემბრამდე პერიოდი.
3. დღგ-ის დარიცხვისა და გადახდის ვალდებულება იწყება იმ ოპერაციიდანვე, რომელმაც ზღვარი გადააჭარბა - არა განცხადების შეტანის ან რეგისტრაციის ტექნიკური დასრულების თარიღიდან.



4. ზღვრისთვის, საერთო წესით, გათავისუფლებული ოპერაციები არ ითვლება; გამონაკლისად შეიძლება ჩაითვალოს ძირითადი საქმიანობის ფინანსური ან უძრავ ნივთთან დაკავშირებული ოპერაციები, ექსპორტი და კოდექსის 172-ე მუხლის პირველი-მე-2 ნაწილების ოპერაციები.
5. ფიქსირებული გადასახადის გადამხდელის შესაბამისი საქმიანობიდან მიღებული შემოსავალი ზღვრის განსაზღვრისას არ გაითვალისწინება.

მაგალითი - ზღვრის გადაჭარბება

სტარტაპს უკანასკნელი უწყვეტი 12 თვის განმავლობაში აქვს 98 000 ლარის დღგ-ით დასაბეგრი მიწოდებები. შემდეგ ახორციელებს 4 720 ლარის საბოლოო ფასის მქონე ოპერაციას, რომელშიც დღგ უნდა გამოიყოს. ოპერაციის დღგ-ის გარეშე თანხაა 4 000 ლარი, შესაბამისად ზღვრისთვის ჯამი ხდება 102 000 ლარი.

გამოთვლა	თანხა
წინა 12 თვის დასაბეგრი ოპერაციები	98 000 ლარი
ახალი ოპერაცია - დღგ-ის გარეშე	4 000 ლარი
ჯამი	102 000 ლარი
ახალ ოპერაციაში შემავალი დღგ	$4\,720 \times 18/118 = 720$ ლარი

შედეგი: სტარტაპმა რეგისტრაციისთვის 2 სამუშაო დღეში უნდა მიმართოს და 720 ლარის დღგ უკვე ზღვრის გადამჭარბებელ ოპერაციაზე უნდა ასახოს.

ნებაყოფლობითი რეგისტრაცია

პირს შეუძლია დღგ-ის გადამხდელად ნებაყოფლობით დარეგისტრირდეს ზღვრის გადაჭარბებამდე. რეგისტრაცია შეიძლება სასარგებლო იყოს, თუ მომხმარებლები ძირითადად დღგ-ის გადამხდელი ბიზნესები არიან, სტარტაპს აქვს დიდი საწყისი ინვესტიცია ან ჩასათვლეელი დღგ, ან ახორციელებს ჩათვლის უფლებით გათავისუფლებულ ოპერაციებს. სანაცვლოდ, წარმოიშობა ყოველთვიური აღრიცხვისა და დეკლარირების ვალდებულება და B2C ფასზე/მარჟაზე შესაძლო ზეწოლა.

რეგისტრაციის გაუქმება

რეგისტრაცია ავტომატურად არ უქმდება მხოლოდ იმიტომ, რომ ბრუნვა შემცირდა. თუ ბოლო 12 კალენდარული თვის შესაბამისი დასაბეგრი ოპერაციები დღგ-ის გარეშე 100 000 ლარს არ აღემატება და უკანასკნელი რეგისტრაციიდან 1 წელი გავიდა, პირს შეუძლია რეგისტრაციის გაუქმება მოითხოვოს. გაუქმებისას საჭიროა ნაშთებისა და ძირითად საშუალებებზე ადრე ჩათვლილი დღგ-ის შედეგების შემოწმება.

100 000-ლარიანი ზღვრის მონიტორინგის სამუშაო ცხრილი

რეესტრში თითოეული ოპერაცია ასახეთ დღგ-ის გარეშე თანხით. ყოველი ახალი ოპერაციისას გამოთვალეთ მის თარიღამდე უკანასკნელი უწყვეტი 12 კალენდარული თვის ჯამი და ცალკე დააფიქსირეთ, რატომ ჩაითვალა ან არ ჩაითვალა კონკრეტული ოპერაცია ზღვარში.



თარიღი	ოპერაცია/დოკუმენტი	თანხა დღგ-ის გარეშე	ითვლება ზღვარში?	ბოლო 12 თვის ჯამი
			კი / არა	
			კი / არა	
			კი / არა	
			კი / არა	
			კი / არა	

თუ ზღვარი გადაჭარბდა: ზღვრის გადამჭარბებული ოპერაციის დოკუმენტებით განსაზღვრეთ ამ ოპერაციაში დღგ: შეამოწმეთ ხელშეკრულების ფასი; და რეგისტრაციისთვის მიმართეთ არაუგვიანეს 2 სამუშაო დღისა.

4. რომელი ოპერაციები იბეგრება

დღგ-ით დასაბეგრი ძირითადი ოპერაციებია: საქართველოში ეკონომიკური საქმიანობის ფარგლებში ანაზღაურების სანაცვლოდ საქონლის მიწოდება; საქართველოში მომსახურების გაწევა; და საქონლის იმპორტი. ცალკეულ შემთხვევებში უსასყიდლო მიწოდება, პირადი მიზნით გამოყენება, დანაკლისი ან რეგისტრაციის გაუქმებისას დარჩენილი მარაგის შეიძლება დღგ-ის შედეგს წარმოშობდეს.

სერვისის ექსპორტი: უცხოელ კლიენტზე მომსახურების გაწევა ავტომატურად „ექსპორტი“ ან დღგ-ისგან გათავისუფლება არ არის. ჯერ მომსახურების გაწევის ადგილი უნდა განისაზღვროს. B2B მომსახურებისთვის ზოგადი წესი ხშირად მიმღების დაფუძნების ადგილია, თუმცა არსებობს მრავალი გამონაკლისი.

დღგ-ისგან გათავისუფლების ორი განსხვავებული რეჟიმი

რეჟიმი	გაყიდვაზე დღგ	ხარჯის დღგ-ის ჩათვლა	ტიპური მაგალითი
ჩათვლის უფლების გარეშე გათავისუფლება	არ ირიცხება	როგორც წესი, არ შეიძლება	კანონით განსაზღვრული სამედიცინო/საგანმანათლებლო და ფინანსური ოპერაციები
ჩათვლის უფლებით გათავისუფლება	არ ირიცხება	შეიძლება, პირობების დაცვით	საქონლის ექსპორტი/რეექსპორტი; ცალკეული საერთაშორისო გადაზიდვები

საქართველოში წარმოებული სასოფლო-სამეურნეო პროდუქციის გარკვეული მიწოდებები სამრეწველო გადამამუშავებამდე, ასევე კონკრეტული პირობებით საქართველოში წარმოებული ყველის მიწოდება, დღგ-ისგან ჩათვლის უფლებითაა გათავისუფლებული. მხოლოდ სახელწოდება „ქართული ყველი“ საკმარისი არ არის - უნდა დადასტურდეს წარმოშობა და კოდექსით განსაზღვრული პირობები.

2026 წლის სიახლე: 2026 წლის 1 იანვრიდან კოდექსით განსაზღვრული საინვესტიციო ოქროს მიწოდება დღგ-ისგან ჩათვლის უფლებით გათავისუფლებულ ოპერაციებს დაემატა, ხოლო შესაბამისი იმპორტი - იმპორტის დღგ-ისგან გათავისუფლებულ შემთხვევებს.



5. როგორ გამოითვლება დღგ

ფასი დღგ-ის გარეშე

$$\text{დღგ} = \text{დღგ-ის გარეშე ფასი} \times 18\%$$

$$\text{საბოლოო ფასი} = \text{დღგ-ის გარეშე ფასი} \times 1.18$$

თუ პროდუქტის ფასი დღგ-ის გარეშე 10 ლარია, დღგ არის 1.80 ლარი, ხოლო მომხმარებლის საბოლოო ფასი - 11.80 ლარი.

ფასი უკვე მოიცავს დღგ-ს

$$\text{დღგ} = \text{დღგ-ის ჩათვლით ფასი} \times 18/118$$

$$\text{დღგ-ის გარეშე ფასი} = \text{დღგ-ის ჩათვლით ფასი} / 1.18$$

საბოლოო ფასი	დღგ-ის გარეშე ფასი	დღგ
11.80 ლარი	$11.80 / 1.18 = 10.00$ ლარი	$11.80 \times 18/118 = 1.80$ ლარი
118.00 ლარი	$118.00 / 1.18 = 100.00$ ლარი	$118.00 \times 18/118 = 18.00$ ლარი

არ გამოიყენოთ 15.25% როგორც ზუსტი კოეფიციენტი: $18/118 = 15.254237\ldots\%$. დამრგვალებულმა 15.25%-მა შეიძლება სხვაობა წარმოშვას. პრაქტიკაში გამოიყენეთ ზუსტი ფორმულა - ფასი $\times 18/118$.

ხელშეკრულება

ხელშეკრულებასა და შეთავაზებაში პირდაპირ მიუთითეთ, ფასი მოიცავს თუ არა დღგ-ს. თუ შეთანხმებული თანხა საბოლოოა და დამატებით დღგ-ის მოთხოვნა შეუძლებელია, გადასახადი, როგორც წესი, ამ თანხიდან უნდა გამოიყოს, რაც ბიზნესის წმინდა შემოსავალსა და მარჟას ამცირებს.

რა შედის დღგ-ით დასაბეგრ თანხაში

დღგ მხოლოდ პროდუქტის ან მომსახურების „საბაზისო ფასზე“ ყოველთვის არ გამოითვლება. საგადასახადო კოდექსის 164-ე მუხლის მიხედვით, დასაბეგრი თანხა არის მიღებული ან მისაღები ანაზღაურება დღგ-ის გარეშე, ფასთან პირდაპირ დაკავშირებული სუბსიდიის ჩათვლით; ეს წესი ბარტერულ ოპერაციაზეც ვრცელდება.

დასაბეგრ თანხაში შედის	დასაბეგრ თანხაში არ შედის - პირობების დაცვით
გადასახადები, მოსაკრებლები, საფასურები და სხვა გადასახდელები, გარდა თავად დღგ-ისა	წინასწარი გადახდისთვის მინიჭებული ფასდაკლება
მომხმარებელზე დაკისრებული საკომისიო, შეფუთვის, ტრანსპორტირებისა და დაზღვევის ხარჯები	მიწოდების მომენტისთვის მომხმარებლისთვის მინიჭებული და მიღებული ფასდაკლება/დათმობა
საქონლის/მომსახურების ფასთან პირდაპირ დაკავშირებული სუბსიდიის	კლიენტის სახელითა და დავალებით გაწეული, დოკუმენტურად დასაბუთებული ხარჯის ანაზღაურება; ამ ხარჯზე დღგ ვერ ჩაითვლება
ბარტერული ოპერაციის ანაზღაურება; სპეციალურ შემთხვევებში - საბაზრო ფასი	ხელშეკრულების დარღვევასთან დაკავშირებული პირგასამტეხლო ან სხვა ფულადი ანაზღაურება

მაგალითი: თუ საქონლის ფასი დღგ-ის გარეშე 1 000 ლარია და მიმწოდებელი კლიენტს დამატებით 100 ლარის ტრანსპორტირებას აკისრებს, საერთო დასაბეგრი თანხა 1 100 ლარია, ხოლო დღგ - 198 ლარი.



6. დარიცხული და ჩასათვლელი დღე

გაყიდვებზე გამოთვლილ დღე-ს ხშირად „დარიცხულ დღე-ს“ უწოდებენ, ხოლო დასაშვებ ბიზნესშესყიდვებზე გადახდილ დღე-ს - „ჩასათვლელ დღე-ს“. ჩათვლის უფლება აქვს მხოლოდ დღე-ის გადამხდელად რეგისტრირებულ დასაბეგრ პირს და მხოლოდ მაშინ, როდესაც შესყიდვა გამოიყენება ჩათვლის უფლების მქონე ოპერაციებში და არსებობს კანონით გათვალისწინებული საფუძველი.

მაგალითი - ჩათვლის მექანიზმი

ოპერაცია	დღე-ის გარეშე	დღე	დღე-ის ჩათვლით
საქონლის შეძენა	500 ლარი	90 ლარი - ჩასათვლელი	590 ლარი
საქონლის გაყიდვა	800 ლარი	144 ლარი - დარიცხული	944 ლარი
ბიუჯეტში გადასახდელი	-	$144 - 90 = 54$ ლარი	-

54 ლარი უდრის 300-ლარიან დამატებულ ღირებულებაზე დარიცხულ 18%-ს: $(800 - 500) \times 18\% = 54$ ლარი.

თუ მომწოდებელი დღე-ის გადამხდელი არ არის

არარეგისტრირებული მომწოდებლისგან შესყიდვის აქტით ან სხვა პირველადი დოკუმენტით შეძენა თავისთავად დღე-ის ჩათვლის უფლებას არ წარმოშობს. მაგალითად, თუ საქონელი შეძენილია 600 ლარად არარეგისტრირებული პირისგან, ამ თანხაში ჩასათვლელი დღე არ არის. თუ შემდგომი გაყიდვა 1 180 ლარია დღე-ის ჩათვლით, დარიცხული დღე 180 ლარია და, სხვა ჩათვლის არარსებობისას, სწორედ ეს თანხა იქნება გადასახდელი.

ჩათვლის ძირითადი დოკუმენტები

- ✓ კანონით დადგენილი წესით გამოწერილი საგადასახადო ანგარიშ-ფაქტურა;
- ✓ იმპორტის დეკლარაცია - საქონლის იმპორტთან დაკავშირებული დღე-ისთვის;
- ✓ დღე-ის დეკლარაციაში ასახული უკუდაბეგრის დღე - შესაბამის შემთხვევებში;
- ✓ კოდექსით ან ფინანსთა მინისტრის წესით განსაზღვრული სხვა დოკუმენტები.

ჩათვლა არ დაიშვება: თუ დოკუმენტი არ იძლევა მომწოდებლის იდენტიფიცირების საშუალებას, არასწორადაა გამოწერილი, ყალბია ან ფიქტიურ/უსაქონლო ოპერაციას ასახავს. წარმომადგენლობით და გასართობ ხარჯებზე ჩათვლასაც სპეციალური შეზღუდვები აქვს.

7. ანგარიშ-ფაქტურა, დაბრუნება და კორექტირება

როდის გამოიწერება საგადასახადო ანგარიშ-ფაქტურა

დღე-ის გადამხდელად რეგისტრირებული დასაბეგრი პირის მიერ სხვა დასაბეგრი პირისთვის საქონლის მიწოდების ან მომსახურების გაწევისას, საერთო წესით, გამოიწერება საგადასახადო ანგარიშ-ფაქტურა. საბოლოო მომხმარებელზე (B2C) მიწოდებისას ანგარიშ-ფაქტურა გამოიწერება მომხმარებლის მოთხოვნის შემთხვევაში. დოკუმენტი შეიძლება იყოს წერილობითი ან ელექტრონული ფორმის.

არ აურიოთ დოკუმენტები: საგადასახადო ანგარიშ-ფაქტურა დღე-ის დოკუმენტია, ხოლო სალაროს ჩეკი, სასაქონლო ზედნადები, ინვოისი და მიღება-ჩაბარების აქტი სხვა ფუნქციას ასრულებს. კონკრეტულ ოპერაციას შეიძლება ერთზე მეტი დოკუმენტი სჭირდებოდეს.



როდის კეთდება კორექტირება

დასაბეგრი და შესაბამისი ჩასათვლელი დღე კორექტირდება, როდესაც იცვლება ის გარემოება, რომლის საფუძველზეც თავდაპირველად განისაზღვრა ოპერაციის თანხა. ტიპური შემთხვევებია ოპერაციის გაუქმება, ოპერაციის სახის შეცვლა, შემდგომი ფასდაკლება ან ანაზღაურების შეცვლა და საქონლის/მომსახურების სრულად ან ნაწილობრივ დაბრუნება.

- კორექტირება ასახეთ იმ საანგარიშო პერიოდში, როდესაც კორექტირების გამომწვევი გარემოება დადგა;
- შეინახეთ შეთანხმება, დაბრუნების აქტი, საკრედიტო ჩანაწერი ან სხვა საფუძველი, რომელიც თანხის ცვლილებას ადასტურებს;
- საჭიროებისას გამოწერეთ კორექტირების საგადასახადო ანგარიშ-ფაქტურა და მონაცემები შეაჯერეთ კონტრაგენტთან;
- შეცდომით გამოწერილი ანგარიშ-ფაქტურა უბრალოდ არ წაშალოთ ბუღალტრული კვალის გარეშე - გამოიყენეთ მოქმედი ელექტრონული კორექტირების პროცედურა.

მაგალითი - დაბრუნება: თუ მისში გაყიდული 1 180-ლარიანი საქონელი (დღე 180 ლარი) მყიდველმა სრულად დააბრუნა ივნისში და თანხაც დაუბრუნდა, შესაბამისი კორექტირება, სათანადო დოკუმენტების საფუძველზე, ივნისის საანგარიშო პერიოდში აისახება.

8. შერეული საქმიანობა, მარაგები და ძირითადი საშუალებები

შერეული საქმიანობა და პროპორციული ჩათვლა

თუ ერთი და იგივე საქონელი ან მომსახურება გამოიყენება როგორც ჩათვლის უფლების მქონე ოპერაციებისთვის, ისე ოპერაციებისთვის, რომლებზეც ჩათვლის უფლება არ არსებობს, სრულად ჩათვლა ყოველთვის დაუშვებელია. ჯერ პირდაპირ მიაკუთვნეთ ხარჯი შესაბამის საქმიანობას; მხოლოდ საერთო, გაუმიჯნავ ხარჯზე გამოიყენეთ საგადასახადო კოდექსის 177-ე მუხლით განსაზღვრული პროპორცია.

ჩათვლის პროპორცია = ჩათვლის უფლების მქონე ოპერაციების წლიური ბრუნვა / შესაბამისი საერთო წლიური ბრუნვა

პროპორცია ფიქსირდება პროცენტად და წლის ბოლოს ზუსტდება.

მაგალითი - საერთო საოფისე ხარჯი

სტარტაპის საერთო საოფისე ხარჯზე დღე არის 1 800 ლარი. წლის ბრუნვის 70% ჩათვლის უფლების მქონე ოპერაციებს უკავშირდება, 30% - ჩათვლის უფლების გარეშე ოპერაციებს. თუ ხარჯის პირდაპირ გამოიჯენა შეუძლებელია, ჩასათვლელი დღე არის 1 260 ლარი ($1\,800 \times 70\%$), ხოლო 540 ლარი არ ჩაითვლება.

5%-იანი გამარტივება: თუ კალენდარული წლის განმავლობაში გაუმიჯნავ ოპერაციებში ჩათვლის უფლების გარეშე ოპერაციების თანხა საერთო ბრუნვის 5%-ზე ნაკლებია, კოდექსი სრულ ჩათვლას უშვებს. ზღვარი და წლიური დაზუსტება დოკუმენტურად უნდა დასაბუთდეს.

რეგისტრაციისას არსებული მარაგი

რეგისტრაციის ძალაში შესვლის მომენტისთვის არსებულ სასაქონლო-მატერიალურ ფასეულობებზე გადახდილი დღე შეიძლება ჩაითვალოს, თუ საქონელი გამოიყენება ჩათვლის უფლების მქონე ოპერაციებში, არსებობს კანონით გათვალისწინებული ჩათვლის დოკუმენტი და ნაშთი სათანადოდ არის



აღრიცხული. ამიტომ რეგისტრაციის თარიღისთვის მოამზადეთ ინვენტარიზაციის აქტი, შესყიდვის დოკუმენტები და გამოყენების მიზნის დასაბუთება.

ძირითადი საშუალებები და რეგისტრაციის გაუქმება

ძირითადი საშუალების გამოყენების ცვლილებამ - მაგალითად, დასაბეგრიდან გათავისუფლებულ ან პირად გამოყენებაზე გადასვლამ - შეიძლება ადრე ჩათვლილი დღე-ის კორექტირება გამოიწვიოს. პროპორციული წესისთვის კოდექსი უმრავლეს შემთხვევაში 10-წლიან, ხოლო სხვა ძირითად საშუალებებზე 5-წლიან პერიოდს იყენებს. რეგისტრაციის გაუქმებისას დარჩენილი მარაგი და აქტივებიც წინასწარ უნდა შეფასდეს, რადგან შეიძლება მიწოდებად ჩაითვალოს ან ჩათვლის კორექტირება გახდეს საჭირო.

9. დღე-ის ნამეტი და დაბრუნება

თუ საანგარიშო პერიოდში ჩასათვლელი დღე დარჩენილი დღე-ს აღემატება, დასაბეგრ პირს დღე-ის თანხის დაბრუნების უფლება წარმოეშობა. თუმცა, მხოლოდ დეკლარაციის წარდგენა არ ნიშნავს თანხის ავტომატურ ჩარიცხვას საბანკო ანგარიშზე - დაბრუნება საგადასახადო კოდექსის 63-ე მუხლით დადგენილი პროცედურით ხორციელდება.

მაგალითი - საწყისი ინვესტიცია

დღე-ის გადამხდელად რეგისტრირებულმა სტარტაპმა შეიძინა დასაბეგრ საქმიანობაში გამოსაყენებელი მოწყობილობა 11 800 ლარად, მათ შორის დღე - 1 800 ლარი. იმ თვეში გაყიდვა არ ჰქონია. პირობებისა და სათანადო დოკუმენტის არსებობისას მას 1 800 ლარის ჩასათვლელი დღე აქვს; დეკლარაციაში წარმოიშობა ნამეტი, რომლის დაბრუნება ან სხვა საგადასახადო ვალდებულებებში გამოყენება შესაბამისი პროცედურით ხდება.

10. ავანსები, ციფრული ბიზნესი და იმპორტი

ავანსი

თუ დღე-ით დასაბეგრი თანხა საქონლის მიწოდებამდე ან მომსახურების გაწევამდე სრულად ან ნაწილობრივ არის გადახდილი, შესაბამისი დღე, საერთო წესით, ავანსის გადახდის საანგარიშო პერიოდში იბეგრება. ამავე დროს, თავად ავანსის მიღება 100 000-ლარიანი რეგისტრაციის ზღვრისთვის ჯერ არ არის განხორციელებული მიწოდება; ზღვარი მიწოდების ოპერაციებით განისაზღვრება. კონკრეტულ შემთხვევებზე მოქმედებს გამონაკლისებიც.

უცხოური ონლაინსერვისები - უკუდაბეგვრა

თუ საქართველოში დაფუძნებული სტარტაპი უცხოელი მიმწოდებლისგან იღებს საქართველოში გაწეულად მიჩნეულ მომსახურებას - მაგალითად, რეკლამას, პროგრამულ უზრუნველყოფას, ღრუბლოვანი სერვისს, ლიცენზიას ან კონსულტაციას - შესაძლოა სტარტაპი საგადასახადო აგენტად ჩაითვალოს და დღე უკუდაბეგვრის წესით დაარიცხოს.

ეს ვალდებულება შეიძლება წარმოიშვას მაშინაც, როცა სტარტაპი ჩვეულებრივ დღე-ის გადამხდელად რეგისტრირებული არ არის. თუ სტარტაპი დღე-ის გადამხდელია და მომსახურება ჩათვლის უფლების მქონე ოპერაციებისთვის გამოიყენება, დარჩენილი უკუდაბეგვრის დღე შესაძლოა იმავე დეკლარაციაში ჩაითვალოს, კანონით დადგენილი პირობების დაცვით.

პრაქტიკული კონტროლი: ყოველ თვეში ცალკე გადაამოწმეთ უცხოური პლატფორმების, SaaS-ის, ჰოსტინგის, Google/Meta რეკლამის, ლიცენზიისა და დისტანციური კონსულტაციის ინვოისები.

უცხოელ კლიენტზე მომსახურება და ონლაინპლატფორმები

უცხოელ კლიენტზე პროგრამული, საკონსულტაციო ან სხვა დისტანციური მომსახურების გაწევისას ჯერ უნდა განისაზღვროს მომსახურების გაწევის ადგილი. B2B მომსახურებისთვის ზოგადი წესი ხშირად



მიმღების დაფუძნების ადგილს მიჰყვება, თუმცა უძრავ ნივთთან, ღონისძიებასთან, ტრანსპორტთან, ტელეკომუნიკაციასთან და სხვა მომსახურებებთან დაკავშირებით სპეციალური წესები მოქმედებს. ხელშეკრულებაში შეინახეთ კლიენტის სტატუსის, მისამართისა და მომსახურების ფაქტობრივი მიმღების დამადასტურებელი ინფორმაცია.

Amazon/Etsy/Shopify ან სხვა პლატფორმით გაყიდვისას დაადგინეთ, პლატფორმა მხოლოდ შუამავალია თუ თავად არის მყიდველი/მიმწოდებელი. თუ პლატფორმა შუამავალია, ბანკში ჩარიცხული წმინდა თანხა შესაძლოა გაყიდვების სრულ ბრუნვას არ უდრიდეს: მომხმარებლის მიერ გადახდილი მთლიანი თანხა და პლატფორმის საკომისიო ცალ-ცალკე ოპერაციებად უნდა აღირიცხოს. უცხოური პლატფორმის საკომისიოზე შეიძლება უკუდაბეგვრის ვალდებულებაც წარმოიშვას.

საკონტროლო დოკუმენტი	რის დასადასტურებლად გჭირდებათ
კლიენტთან ხელშეკრულება და ინვოისი	მომსახურების სახე, მიმღები, ფასი და მიწოდების პირობები
კლიენტის რეგისტრაციის/ბიზნესსტატუსის მონაცემი	B2B სტატუსი და მომსახურების გაწევის ადგილის ანალიზი
პლატფორმის გაყიდვების ანგარიში	მთლიანი გაყიდვა, დაბრუნება, ფასდაკლება და საკომისიო
ბანკის/გადახდის სისტემის ამონაწერი	ფაქტობრივი ანგარიშსწორება და ვალუტის თანხა
ექსპორტისა და ტრანსპორტირების დოკუმენტი - საქონელზე	საქონლის საქართველოს ფარგლებს გარეთ გატანა

საქონლის იმპორტი

საქონლის იმპორტი დღგ-ის ობიექტია რეგისტრაციის 100 000-ლარიანი ზღვრის მიუხედავად. იმპორტისას დღგ-ის თანხა გადაიხდება საბაჟო წესების შესაბამისად; დღგ-ის გადამხდელად რეგისტრირებულ პირს, დასაბეგრ საქმიანობაში გამოყენებისა და სათანადო დოკუმენტების შემთხვევაში, შეუძლია შესაბამისი იმპორტის დღგ ჩაითვალოს.

11. სტარტაპისთვის დამახასიათებელი ოპერაციები

გრანტი და სუბსიდია

გრანტის ან სუბსიდიის მიღება ავტომატურად დღგ-ით დასაბეგრი ოპერაცია არ არის. უნდა გაირკვეს, არის თუ არა თანხა კონკრეტული საქონლის/მომსახურების სანაცვლო ანაზღაურება ან პირდაპირ არის თუ არა დაკავშირებული მის ფასთან. თუ გრანტის სანაცვლოდ დამფინანსებელს კონკრეტული მომსახურება მიეწოდება, ოპერაცია ცალკე უნდა შეფასდეს. გრანტის მიმღებისთვის კოდექსი გარკვეულ პირობებში შეძენილ საქონელსა და მომსახურებაზე გადახდილი დღგ-ის ჩათვლის/დაბრუნების სპეციალურ უფლებასაც ითვალისწინებს.

კაპიტალში შენატანი და დამფუძნებლის სესხი

ფულადი შენატანი საწესდებო კაპიტალში და ფულადი სესხის მიღება თავისთავად საქონლის მიწოდება ან მომსახურების გაწევა არ არის. თუმცა ქონების, არამატერიალური აქტივის ან მომსახურების შენატანად გადაცემა შეიძლება სპეციალურ დღგ-ის წესებსა და რეგისტრაციის შედეგებს დაექვემდებაროს; ასეთი შენატანი ოპერაციამდე უნდა შეფასდეს.

Crowdfunding, წინასწარი შეკვეთა და აბონემენტი

Crowdfunding-ის საგადასახადო შედეგი მოდელზეა დამოკიდებული. შემოწირულობა, კაპიტალში მონაწილეობა და სანაცვლო პროდუქტის/მომსახურების დაპირება ერთნაირად არ იბეგრება. Reward-based კამპანია ან წინასწარი შეკვეთა, როდესაც მხარდამჭერი განსაზღვრულ პროდუქტს ან მომსახურებას იღებს,



შეიძლება ავანსად ჩაითვალოს. სააბონენტო მომსახურების გაუქმებისა და თანხის დაბრუნებისას შეაფასეთ შესაბამისი პერიოდის კორექტირება.

საჩუქარი, უფასო ნიმუში, პრიზი და პირადი გამოყენება

უსასყიდლო გადაცემა ყოველთვის „დღე-ის გარეშე“ არ არის. თუ საქონელზე ან მომსახურებაზე დღე ჩაითვა და შემდგომ ის თანამშრომელს, დამფუძნებელს ან სხვა პირს უსასყიდლოდ გადაეცა ან პირადი მიზნით გამოიყენეს, შეიძლება დღე-ით დასაბეგრი მიწოდება წარმოიშვას. სარეკლამო ნიმუშები, პრიზები და მცირე საჩუქრებიც წინასწარ გადაამოწმეთ მათი მიზნის, ღირებულებისა და დოკუმენტირების მიხედვით.

ბარტერი და ინფლუენსერთან გაცვლა

ბარტერისას ფულის არქონა არ გამორიცხავს დღე-ს. თუ პროდუქტი ინფლუენსერის რეკლამის სანაცვლოდ გადაეცა, როგორც წესი, ორი დამოუკიდებელი მიწოდება უნდა შეფასდეს: პროდუქტის მიწოდება და სარეკლამო მომსახურება. თითოეულმა მხარემ უნდა განსაზღვროს დაბეგვრის დრო, დასაბეგრი თანხა და შესაბამისი დოკუმენტი; ურთიერთდამოკიდებულ პირებთან ან არასაბაზრო ფასისას შეიძლება საბაზრო ფასის წესი გამოიყენებოდეს.

12. დეკლარირება და გადახდის ვადები

დღე-ის საანგარიშო პერიოდია კალენდარული თვე. დღე-ის გადამხდელად რეგისტრირებულმა დასაბეგრმა პირმა დეკლარაცია უნდა წარადგინოს არაუგვიანეს საანგარიშო თვის მომდევნო თვის 15 რიცხვისა და ამავე ვადაში გადაიხადოს გადასახადი.

საანგარიშო თვე	დეკლარაციისა და გადახდის ბოლო ვადა
იანვარი	15 თებერვალი
ივნისი	15 ივლისი
დეკემბერი	მომდევნო წლის 15 იანვარი

თუ 15 რიცხვი არასამუშაო დღეა: კოდექსის ვადების საერთო წესის მიხედვით, ვადა გრძელდება მომდევნო სამუშაო დღემდე. ელექტრონულად მოქმედება შესაძლებელია ბოლო დღის 24:00 საათამდე.

გაყიდვების არარსებობა ყოველთვის არ ნიშნავს, რომ დეკლარაცია საჭირო არ არის. რეგისტრირებულმა პირმა ყოველ საანგარიშო პერიოდზე უნდა შეამოწმოს დეკლარირების ვალდებულება, მათ შორის ნულოვანი, ჩასათვლელი ან უკუდაბეგვრის ოპერაციების არსებობა.

13. პასუხისმგებლობა და გავრცელებული რისკები

დარღვევა	ძირითადი შედეგი	სამართლებრივი საფუძველი
დღე-ის რეგისტრაციის გარეშე საქმიანობა	რეგისტრაციის გარეშე პერიოდში განხორციელებული დასაბეგრი (არაგათავისუფლებული) ოპერაციების თანხის 5%	სსკ, მუხლი 282(1)
დეკლარაციის დაგვიანება - არაუმეტეს 2 თვისა	დეკლარაციით გადასახდელი გადასახადის 5%	სსკ, მუხლი 274(1)
დეკლარაციის დაგვიანება - 2 თვეზე მეტი	დეკლარაციით გადასახდელი გადასახადის 10%	სსკ, მუხლი 274(2)



დარღვევა	ძირითადი შედეგი	სამართლებრივი საფუძველი
გადასახადის დაგვიანებული გადახდა	0.05% საურავი ყოველ ვადაგადაცილებულ დღეზე	სსკ, მუხლი 272(4)
მყიდველის მოთხოვნისას ანგარიშ-ფაქტურის გაუცემლობა	ოპერაციის დღ-ის 100%	სსკ, მუხლი 282(2)

ყურადღება: სანქცია არ ცვლის ძირითადი გადასახადის გადახდის ვალდებულებას. რეგისტრაციის გარეშე საქმიანობისას შეიძლება ერთდროულად წარმოიშვას გადასახადი, 5%-იანი ჯარიმა და გადახდის დაგვიანების საურავი.

14. სტარტაპის ყოველთვიური მოქმედების გეგმა

- ✓ განაახლეთ უკანასკნელი უწყვეტი 12 თვის დღ-ის ზღვრის რეესტრი - დღ-ის გარეშე თანხებით.
- ✓ ცალკე მონიშნეთ გათავისუფლებული ოპერაციები და გადაამოწმეთ, რომელი ითვლება 100 000-ლარიან ზღვარში.
- ✓ ყველა შეთავაზებასა და ხელშეკრულებაში მიუთითეთ, ფასი მოიცავს თუ არა დღ-ს.
- ✓ შეაგროვეთ და გადაამოწმეთ საგადასახადო ანგარიშ-ფაქტურები, იმპორტის დეკლარაციები და სხვა ჩათვლის დოკუმენტები.
- ✓ გამოყავით უცხოური ონლაინსერვისები და შეაფასეთ უკუდაბეგვრის ვალდებულება.
- ✓ პლატფორმის ანგარიშში გაარჩიეთ მთლიანი გაყიდვა, დაბრუნება, ფასდაკლება და საკომისიო; ნუ დაეყრდნობით მხოლოდ ბანკში ჩარიცხულ წმინდა თანხას.
- ✓ დაბრუნებები, გაუქმებები და შემდგომი ფასდაკლებები შეაჯერეთ კორექტირების ანგარიშ-ფაქტურებსა და მიმდინარე თვის ჩანაწერებთან.
- ✓ თუ გაქვთ შერეული საქმიანობა, პირდაპირ მიაკუთვნეთ ხარჯები და საერთო ხარჯებზე განაახლეთ ჩათვლის პროპორცია.
- ✓ გაყიდვებზე დარიცხული და შესყიდვებზე ჩასათვლელი დღგ შეაჯერეთ ბუღალტრულ ჩანაწერებთან.
- ✓ დეკლარაცია და გადასახადი მოამზადეთ 15 რიცხვამდე რამდენიმე დღით ადრე.
- ✓ ზღვართან მიახლოებისას წინასწარ შეათანხმეთ ფასწარმოქმნა, კონტრაქტები და საბრუნავი კაპიტალი ბუღალტერთან/საგადასახადო სპეციალისტთან.

სიახლეებისთვის და დეკლარაციის შევსების დეტალებისთვის ეწვიეთ: <https://infohub.rs.ge/ka>

დანართი A - RS.ge-ზე მოქმედებების მოკლე ინსტრუქცია

შენიშვნა: ელექტრონული პორტალის მენიუს დასახელება და ვიზუალური განლაგება შეიძლება შეიცვალოს. გამოიყენეთ ავტორიზებული გვერდის ძიება ან შესაბამისი სერვისის პირდაპირი ბმული და ყოველთვის შეინახეთ განაცხადის/დეკლარაციის რეგისტრაციის ნომერი.

- ✓ **დღ-ის რეგისტრაცია.** შედით ავტორიზებულ გვერდზე, გახსენით დღ-ის გადამხდელად რეგისტრაციის სერვისი, გადაამოწმეთ მოთხოვნის საფუძველი და თარიღი, დაურთეთ საჭირო დასაბუთება და გაგზავნის შემდეგ შეინახეთ რეგისტრაციის ნომერი.



- ✓ **საგადასახადო ანგარიშ-ფაქტურა.** ელექტრონული ანგარიშ-ფაქტურის მოდულში აირჩიეთ შესაბამისი ოპერაცია, გადაამოწმეთ კონტრაგენტი, მიწოდების თარიღი, დასაბეგრი თანხა და დღე; კორექტირებისას მიუთითეთ საწყისი დოკუმენტი და ცვლილების საფუძველი.
- ✓ **დღგ-ის დეკლარაცია.** საანგარიშო თვისთვის შეაჯერეთ გაყიდვები, ჩასათვლელო დოკუმენტები, უკუდაბეგვრა, იმპორტი და კორექტირებები; შეამოწმეთ სისტემის მიერ შევსებული მონაცემები და დეკლარაცია წარადგინეთ მომდევნო თვის 15 რიცხვამდე.
- ✓ **უკუდაბეგვრა.** დღგ-ის გადამხდელად რეგისტრირებულმა პირმა დარიცხული უკუდაბეგვრის დღგ შესაბამისი თვის დღგ-ის დეკლარაციაში ასახოს; არარეგისტრირებულმა საგადასახადო აგენტმა წარადგინოს შესაბამისი გაანგარიშება და თანხა გადაიხადოს მომდევნო თვის 15 რიცხვამდე.
- ✓ **დაზუსტებული დეკლარაცია.** შეცდომის აღმოჩენისას გახსენით შესაბამისი საანგარიშო პერიოდი, მოამზადეთ დაზუსტებული დეკლარაცია და ცვლილება დაუკავშირეთ პირველადი დოკუმენტის შესწორებას; შეინახეთ ცვლილების განმარტება.
- ✓ **დღგ-ის ნამეტის დაბრუნება.** ჯერ გადაამოწმეთ პირადი აღრიცხვის ბარათი და ჩათვლის დოკუმენტები, შემდეგ გამოიყენეთ ზედმეტად გადახდილი თანხის დაბრუნების სერვისი; მოთხოვნის სტატუსსა და დამატებითი დოკუმენტების შეტყობინებებს რეგულარულად ადევნეთ თვალი.

დანართი B - პრაქტიკული ქეისები

ქეისი 1 - B2C ონლაინმაღაზია ზღვრის აჭარბებს

ონლაინმაღაზიის ბოლო 12 თვის დასაბეგრი ოპერაციები 99 000 ლარია. მან გაყიდა საქონელი 2 360 ლარის საბოლოო ფასად. რადგან ხელშეკრულებული ფასი საბოლოოა, ზღვრის გადამჭარბებელ ოპერაციაში დღგ გამოიყოფა: $2\,360 / 1.18 = 2\,000$ ლარი და დღგ = 360 ლარი. ზღვრისთვის ჯამი 101 000 ლარი ხდება.

მოქმედება: რეგისტრაციისთვის მიმართვა 2 სამუშაო დღეში; 360 ლარის ასახვა ზღვრის გადამჭარბებელ ოპერაციაზე; საიტზე და ხელშეკრულებებში ფასის დღგ-ის სტატუსის განახლება.

ქეისი 2 - ქართული საკონსულტაციო სტარტაპი და უცხოელი კლიენტი

საქართველოში დაფუძნებული კომპანია უცხოელ ბიზნესს დისტანციურ კონსულტაციას უწევს. მხოლოდ ის ფაქტი, რომ გადამხდელი უცხოელია, საკმარისი არ არის ოპერაციისთვის ქართული დღგ-ის არდარიცხვის დასასაბუთებლად. კომპანიამ უნდა განსაზღვროს მომსახურების გაწევის ადგილი, გადაამოწმოს კლიენტის B2B სტატუსი და მომსახურებაზე მოქმედი სპეციალური გამონაკლისები.

მოქმედება: შეინახეთ ხელშეკრულება, კლიენტის რეგისტრაციის მონაცემი, ინვოისი და გაწეული მომსახურების მტკიცებულება; მხოლოდ ადგილის ანალიზის შემდეგ განსაზღვრეთ დღგ-ის რეჟიმი.

ქეისი 3 - პლატფორმა თანხას საკომისიოს გამოკლებით რიცხავს

პლატფორმის ანგარიშში მომხმარებლებისგან მიღებული მთლიანი თანხაა 10 000 ლარი, პლატფორმის საკომისიო - 1 500 ლარი, ბანკში ჩარიცხვა - 8 500 ლარი. თუ პლატფორმა მხოლოდ შუამავალია, გაყიდვების ბრუნვა 10 000 ლარია და არა 8 500 ლარი; 1 500 ლარის საკომისიო ცალკე შემენილი მომსახურებაა და უცხოურ პლატფორმაზე შეიძლება უკუდაბეგვრას დაექვემდებაროს.

მოქმედება: ყოველთვიურად ჩამოტვირთეთ გაყიდვების სრული ანგარიში და ცალ-ცალკე აღრიცხეთ გაყიდვა, დაბრუნება, პლატფორმის საკომისიო და ბანკში ჩარიცხვა.

ქეისი 4 - მოწყობილობის იმპორტი

დღგ-ის გადამხდელად რეგისტრირებული საწარმო დასაბეგრ საქმიანობაში გამოსაყენებლად ახორციელებს მოწყობილობის იმპორტს. თუ იმპორტის დღგ სწორად არის დარიცხული/გადახდილი და არსებობს



იმპორტის დეკლარაცია, შესაბამისი თანხა შეიძლება ჩაითვალოს. თუ მოწყობილობა შემდგომ შერეულ ან პირად გამოყენებაზე გადავა, შესაძლოა კორექტირება გახდეს საჭირო.

მოქმედება: შეაჯერეთ საბაჟო ღირებულება, იმპორტის დეკლარაცია, გადახდა, აქტივის აღრიცხვა და ეკონომიკურ საქმიანობაში გამოყენების მტკიცებულება.

ქეისი 5 - მცირე ბიზნესის სტატუსის მქონე ინდივიდუალური მეწარმე

ინდივიდუალური მეწარმის მცირე ბიზნესის სტატუსი და დღგ-ის რეგისტრაცია დამოუკიდებელი რეჟიმებია. 1%-იანი საშემოსავლო გადასახადის რეჟიმი არ ათავისუფლებს პირს დღგ-ის 100 000-ლარიანი ზღვრის მონიტორინგისგან და, ვალდებულების წარმოშობისას, დღგ-ის დარიცხვისა და დეკლარირებისგან.

მოქმედება: შემოსავლის რეესტრის პარალელურად აწარმოეთ დღგ-ის ზღვრის მოძრავი 12-თვიანი რეესტრი და წინასწარ შეაფასეთ B2C ფასზე რეგისტრაციის გავლენა.

ქეისი 6 - შერეული საგანმანათლებლო და საკონსულტაციო საქმიანობა

ორგანიზაციას აქვს დღგ-ით დასაბეგრი საკონსულტაციო მომსახურება და, კოდექსის პირობების დაკმაყოფილების შემთხვევაში, ჩათვლის უფლების გარეშე გათავისუფლებული საგანმანათლებლო მომსახურება. საერთო საოფისე ხარჯის დღგ 1 800 ლარია, ხოლო ჩათვლის უფლების მქონე ოპერაციების წლიური წილი - 60%. თუ ხარჯი პირდაპირ ვერ გაიმიჯნა, ჩასათვლედი თანხაა 1 080 ლარი; 720 ლარი არ ჩაითვლება.

მოქმედება: პირდაპირი ხარჯები საქმიანობებს მიაკუთვნეთ ცალ-ცალკე, საერთო ხარჯზე გამოიყენეთ პროპორცია და წლის ბოლო დეკლარაციაში გააკეთეთ დაზუსტება.

სამართლებრივი საფუძველი და სასარგებლო ბმულები

- ✓ • საქართველოს საგადასახადო კოდექსი - ბმული (განსაკუთრებით მუხლები 158–181, 272, 274 და 282; გადამოწმებულია 25.07.2026)
- ✓ • საგადასახადო კოდექსის მოქმედი კონსოლიდირებული PDF - ბმულია (მუხლი 244; გადამოწმებულია 25.07.2026)
- ✓ • შემოსავლების სამსახური - დამატებული ღირებულების გადასახადი - ბმული
- ✓ • შემოსავლების სამსახური - კორექტირება, უკუდაბეგვრა, ჩათვლა და დეკლარირება - ბმული
- ✓ • შემოსავლების სამსახური - დღგ-ის სიტუაციური სახელმძღვანელოები - ბმული
- ✓ • შემოსავლების სამსახური - დღგ-ის რეგისტრაციის სერვისი - ბმული
- ✓ • 2026 წლის ცვლილება საგადასახადო კოდექსში - ბმული (საინვესტიციო ოქრო; ამოქმედდა 01.01.2026)
- ✓ • ფინანსთა მინისტრის ბრძანება №72 - ბმული (საინვესტიციო ოქროს დამატებითი კრიტერიუმები და წესი)

სამართლებრივი შენიშვნა: გზამკვლევი სასწავლო და პრაქტიკული ორიენტირია; ის არ ცვლის ინდივიდუალურ საგადასახადო კონსულტაციას. კონკრეტული ოპერაციის შედეგი შეიძლება შეიცვალოს ხელშეკრულების პირობების, მხარეთა სტატუსის, მომსახურების ადგილის, დოკუმენტებისა და შემდგომი საკანონმდებლო ცვლილებების მიხედვით.